

Al mitt unig

↓ ↓ ↓ ↓

ein nbn

↓ ↓ ↓ ↓

1010

↓ ↓ ↓ ↓

III  
A 266



~~F. III. 26~~  
EX BIBLIOTH.  
NATIONIS HUNGAR.

III A 266 VITEBERG.

SIGNAT. CLVCCCXIII.



<sup>d.</sup>  
Sum Just Sibery Linbeck:  
Ruben Sany No. 69-8.







1

COLLATIO  
ACTIONVM FO-  
RENSIVM ATTICARVM  
ET ROMANARVM  
PRÆCIPVA-  
RVM.

AVTORE  
PHILIP. MELANTH.

DE COMEDENTI

DE FORTI.



EXIVIT CIBVS.

ET DULCEDO

VVITEBERGÆ

ANNO M. D. LIII.



COLLEGIUM

PHYSICORUM

ET MATHESICORUM

IN

AVTORUM

LIBRIS

DE

PHYSICA

MATHESICA

ET

MATHESICA

LIBRIS

DE

PHYSICA

MATHESICA





# ERVDITIONE ET

VIRTUTE PRESTANTI IOA-  
CHIMO MOLLER HAMBVR-  
GENSI, DOCTORI IVRIS  
AMICO SVO PHILIP.  
MELANTH. S. D.



Na est Lex pre-  
tipua rectrix ui-  
cæ hominum,  
quæ est æterna  
sapientia in mē-  
te diuina, et im-  
mota iusticiæ regula, quam et in  
hominum mentes Deus trans-  
fudit, & lucem esse uoluit nobis  
scum nascentem, & postea de  
rupe Sinaide illustri testimonio  
promulgauit, ut sciremus eam  
uite normam uere diuinam esse.  
Hac lege cum regi uitã Deus  
A ñ uelis



uelit, quæ natura lucet in omni-  
um mentibus, queri solet de Ma-  
gistratum officio. Cum enim  
Lex antea diuinitus lata sit, &  
ferre alias dissentientes omnium  
scelerum summum & atrocissi-  
mum sit, & hæc ipsa diuina nota  
sit omnibus, quid agunt in pace  
humanæ societatis gubernato-  
res?

Hi uero tria munera plena  
dignitatis sustinent. Primum hu-  
ius ipsius primæ et præcipuæ le-  
gis, uidelicet Decalogi, uocem  
eos esse necesse est. Et si enim na-  
tura lucet in mentibus, tamen il-  
la naturæ lux doctrina & uoce  
Magistratum excitanda est.

Deinde cum homines non  
tan-



tantum doctrina regantur, Sed  
 poenarum metu coercēdi sint.  
 imposuit Deus generi humano  
 Magistratus, ut huius suæ Les  
 gis uiolatores puniant. Etsi  
 enim & Deus ipse uindex est  
 contemptæ huius normę, tamen  
 adiunxit sibi Magistratus per  
 quos exequi poenas plerumq̃  
 uoluit. Punit Deus Antoniꝝ li  
 bidines & ambitionem, sed pu  
 nit per Augustum. Nec obscu  
 rum est, Legem sine poenis ina  
 nem sonitum uideri. Quare &  
 dictum illud Æschinis adeo pro  
 batum est, ut Demosthenes in su  
 am quandam orationem tran  
 stulerit.

οὐδ' ἐστὶν ὄφελος πόλεως ἥτις μὴ νεῦρα  
 ἐπὶ τοὺς ἀδικούντας ἔχει.

A iij Nihil





Nihil ualere ciuitatem, que ner-  
uos non habet aduersus facino-  
rosos. Quare ut fontes ordine  
in iudicia uocari possent, crimi-  
num nomina distributa sunt, &  
accommodatæ accusationum at  
que actionum formæ.

Nerui sunt igitur & Legum  
& totius humanæ societatis, ip-  
sæ Accusationes & Actiones,  
Quod cum ita sit, non solum  
hoc intelligi potest, magnam  
esse uim & dignitatem Actio-  
num, sed etiam perspicitur pro-  
pter Actiones maxime imposi-  
tos esse generi humano Magi-  
stratus, qui cum uocantur Les-  
gum custodes, non eo tantum sic  
adpellantur, quod doctrinam  
septam



septam bibliothecis custodiant.  
Sed quod postea seueritate poe-  
narum ciuium animos ad uirtu-  
tis officia cogant.

Ac de ipsis actionibus pos-  
tea plura dicam. Prius enim &  
tertium munus Magistratum  
addendum est. Etsi necesse est  
Legum omnium in omni guber-  
natione primas esse, eas quæ in  
decalogo traduntur, dextre in-  
tellectas, tamen Magistratibus  
dedit mandata Deus, ut ipsi Le-  
ges aliquas addant, sed congru-  
entes cum decalogo, quæ ali-  
quas circumstantias aut species  
explicent. Lex diuina sancit in  
genere distinctionem dominio-  
rum, cum ait, Non furaberis,  
A iij Hic



Hic Legislator modos recitat,  
quibus res fit uniuscuiusque pro-  
pria, ostendit contractuum for-  
mas, & quando existimandum  
sit perfectum esse contractum,  
quando imperfectum, In quibus  
explicationibus ualet Magistra-  
tuum sententia et propter ratio-  
nem probabilem, decalogo con-  
gruentem, & propter autorita-  
tem quam Deus Magistratui  
attribuit, quem iussit addere in  
hac ciuili uita, tum explicatio-  
nes tum adminicula diuinarum  
Legum.

Sunt autem & harum expli-  
cationum, quas Magistratus ad-  
dit, praesidia Actiones. Frustra  
enim Legislator aequalem he-  
redita-



reditatis distributionem uerbis  
præscriberet, si postea non de-  
fenderet iudiciorum autoritate  
eam æqualitatem aduersus he-  
redes rapaces aut fraudulentos,  
qui uel ui, uel fraude ceteros he-  
redes excutere conarentur.

Cum igitur Actionum con-  
stituendarum & discernenda-  
rum necessitas in conspectu sit,  
non solum amanda est doctri-  
na, quæ de eis à sapientissimis ho-  
minibus tradita est, sed etiam  
Philosophia in eis querenda.  
Cum enim Actiones præcipue  
sint uitæ rectrices, necesse est eas  
ex decalogo & luce mentis hu-  
mana congruente cum decalogo  
natas esse. Hos fontes &

A V ut



ut ita dicam demonstrationes  
considerare certe Philosophia  
est non insuavis bonis ingenijs.

Cum autem hos fontes aspe-  
xerimus, tum uero iuuat conferre  
re politias, & uidere ubi diutius  
discipline seueritas manserit. At  
tica ciuitas initio seuerè puniuit  
impiorum furores, qui prouis-  
dentiam negabant, Libidines  
etiam iustis supplicijs cohercuit,  
Postea laxata disciplina, quanta  
fuit petulantia doctorum & in-  
doctorum in deridenda prouis-  
dentia, quanta in moribus plu-  
rimorum turpitudine?

Cum autem ueteres politias,  
Leges, legum ac discipline la-  
befactiones, excidia urbium &  
ruinas



ruinas imperiorum considera-  
mus, manifesta testimonia præ-  
sentia Dei in hac uitæ guberna-  
tione cernimus. Non casu aut  
tantum propter corporum ne-  
cessitatem, confluit hominum  
multitudo, nec casu societas ciui-  
lis durat. Sed Deus et coetus ho-  
minum consociauit, & custos est  
iustæ societatis. Et ciuitates ac  
Imperia, cum disciplinæ tuendæ  
cura extincta est horribilibus ex-  
emplis euertit & dissipat, quod  
cum uerissimum ac certissimum  
sit, assuefaciamus animos ad le-  
gum disciplinæq; reuerentiam,  
& frenos cupiditatibus nostris  
inijciamus, & moderatione ani-  
morum primum Deo placere,  
deinde & communem salutem,  
quana



quantum suo loco quisque potest,  
iuuare studeamus. Hanc ipsam  
Philosophiam in his actionibus  
& collatione duarum pulcher-  
rimarum ciuitatum Atticæ &  
Romanæ, etiam proponi ani-  
maduertēt studiosi, qui consilia  
ueterum intuebuntur, qui Actio-  
nes ita distribuuerunt. Existimo  
autem uetustam illam Atticæ ci-  
uitatis doctrinam à Iaphet & ei-  
us filijs acceptam, & inter bene-  
moratos posteros conseruatam  
& propagatam esse. Nec uero, si  
indocti, aut feri ac barbari homi-  
nes, aut hæc monumenta, aut  
ipsa uincula humanæ societatis  
& disciplinæ contemnunt, ideo  
à nobis quoque negligenda sunt.  
Cumque uarij sint hominum fu-  
rores



rores in conturbando politico  
ordine, nunc de ijs tantum di-  
cam, qui superstitione quadam  
asseuerant, contra Euangelium  
facere eos qui aut res suas, aut  
defensionem in iudicijs petunt.  
Hunc errorem uitæ communi  
perniciosum esse nemo non ui-  
det. Sed hoc multo atrocius est,  
quod etiam aduersus Deum  
contumeliosus est. Nam Euan-  
gelium quod æternam iusticiam  
adfert, uult nos interea in hac ui-  
ta in politica societate uiuere,  
ostendere testimonia nostræ in-  
uocationis, & exercere officia  
multarum uirtutum, ac non so-  
lum non abolet nec improbat  
ciuilis uitæ gradus, sed multo  
magis ornat quam ulla humana  
sapi-



sapientia ornare poterat. Adfir-  
mat enim Dei beneficium esse  
politicum ordinem. Et quan-  
quam existunt multæ horrendæ  
confusiones imperiorum, quæ  
à Diabolo & ab humana im-  
becillitate oriuntur, tamen ne  
prorsus dissipetur humana so-  
cietas, solus Deus efficit, quia ali-  
qua seruat & seruabit Ecclesiæ  
suæ hospitia, quæ legibus et iure  
consociata defendit, ac præcipit  
ut hos nidos amemus, & legibus  
ac iudicijs reuerenter tanquam  
diuinæ uoci pareamus, nec or-  
dinem uitæ nostris cupiditati-  
bus aut nostra πολυπραγμοσύνη  
conturbemus. Sed de hac tota  
questione sæpe alias à nobis di-  
ctum est, & explicatio ex ueris  
& fir-



& firmis fundamentis extracta  
est, quam quidem bonis & pro-  
desse & profuturam esse non du-  
bito. Cum autem hæc necessa-  
ria doctrina antea monacho-  
rum sordibus obruta, prorsus in  
tenebris iacuerit, nunc quæ gra-  
tia nostris Ecclesijs in quibus  
hæc recte patefacta sunt, red-  
datur uidemus. Sed usitatum  
est in hac hominum prauitate  
quod dicit Pindarus. *ὡαλαια γὰρ  
ἔσθ' αἰ χάρις, ἀμνάμονες δ' ἔβροτοί.*  
Erit tamen Deo curæ, ne ueritas  
ab ipso monstrata deleatur,  
neue piorum labores inanes sint.  
Nunc autem hæc recitauī, ut  
qui discunt forensem doctri-  
nam, hæc cogitantes non solum  
magis studio suo delectentur,  
Sed



Sed etiam referant suos labores  
ad hunc finem, ut cum agnos-  
cent politica officia Deo place-  
re, in hac sua militia ei seruiant.  
Tibi uero Ioachime carissime  
inscripti hanc breuem & inchoa-  
tam tantum lucubrationem<sup>c</sup> ut  
meum erga te studium cum tibi  
tum alijs declararem. Vt autem  
nobis gratum est, uidere alijs  
quos, qui recta doctrina à nobis  
accepta, uel bona cum spe in stu-  
dijs uersantur, uel reip. foeliciter  
seruiunt, ita uobis honorificum  
est, prædicari uos ab ijs erudi-  
tos esse, quorum & doctrina est  
incorrupta, & uoluntas erga  
remp. honesta. Oro autem De-  
um æternum Patrem Domini  
nostri Iesu Christi, ut uniuers-  
sum



sum uitæ tuæ & studiorum tuo-  
rum curriculum gubernet, ut ti-  
bi & reip. salutare sit, quod opto  
cū tua causa, tū uero etiam pro-  
pter patriam, ciuitatem Ham-  
burgam, quæ non opulentiam  
ac uoluptates ducit esse summa  
decora ciuitatū, sed ueram Dei  
inuocationem et disciplinæ fan-  
ctitatem, quare ad alia ciuilia or-  
namenta adiungit hanc curam,  
ut recte gubernetur Ecclesia  
Dei, & iuuentus literas & do-  
ctrinam uitæ salutarem discat.  
Talibus ciuitatibus honos debe-  
tur & hoc officium præcipue,  
uidelicet, ut petamus à Deo, ut  
eas seruet, & perpetua suæ do-  
ctrinæ & ueræ uirtutis domici-  
lia faciat, Sicut in Psalmo dici-  
tur,

B tur,



tur. Rogate quæ ad pacem sunt  
Ierusalem, &c. Quare & ipse toto  
to pectore Deum oro ut Eccle-  
siam suam in patria tua & in his  
regionibus & earum hospitia  
seruet, regat, ac aduersus extera-  
rum ac barbararum nationum  
crudelitatem et tyrannidem de-  
fendat. Bene uale. Cas

len: Septem.

1546.



COLLA  
TIO ACTIONVM  
ROMANARVM ET  
ATTICARVM.



VILIS EST  
actionum ueterum  
in laudatis ciuitati-  
bus consideratio. Nā  
illæ ciuitates, quæ  
non tantum pacis,  
sed etiam discipline  
causa leges tulerunt,  
& actiones & pœnas instituerunt, in ipsis  
actionibus doctrinam uirtutum bono consilio  
& ordine complexæ sunt. Sic igitur legantur  
Atticæ & Romanæ actiones, tanquam  
doctrina de uirtute sumpta ex lege natura,  
seu à primorum patrum doctrina: multumq;  
ualebant hæ leges ad regendos mores, quia  
pœnæ erant additæ, quarum metus cohercet  
mediocria ingenia & ad uirtutem flectit.  
Hæc de actionibus præmonere uolui, ut sci-  
ant studiosi eas non tantum esse formulas li-

B 2 tiganæ



*tigantium, sed uirtutis doctrinam à Deo tra-*  
*ditam, & Philosophiam.*

*Sequemur autem in earum recitatio-*  
*ne Decalogum.*

# PRIMA TA= BULA DECA= LOGI.

## PRIMA ACCU= SATIO.

**R**omani non habuerunt nomen actionis  
aut accusationis, qua sermones impij  
accusarentur. Sed Attici habuerunt & no-  
minant hanc accusationem ἐγκλημα ἄσεβ-  
είας, Sic accusati et condemnati sunt Anaxa-  
goras & Diagoras Melius, quod opiniones  
Athenis receptas de Dijs reprehendebant, &  
quidem interfectori Diagoræ ciuitas merce-  
dens



dem de publico promisit talentum, duo uero  
talenta ei, qui uiuum attraxisset. Nunc con-  
uenit ad hanc accusationem in Ecclesia accu-  
satio haereseos.

## SECUNDA AC- CUSATIO.

**Q**VIA à primo præcepto exorsi sumus,  
ac de crimine impietatis diximus,  
proxime adiungam crimen sacrilegij, Id At-  
tici uocarunt  $\delta\iota\kappa\eta\iota\ \iota\epsilon\rho\sigma\upsilon\lambda\epsilon\iota\alpha\varsigma$ , Hoc iudi-  
cium nomen habebat in utraq; ciuitate. Ac-  
cusabantur autem uel qui res consecratas ex  
Templis rapuerant, uel qui loca consecrata  
uastauerant, aut mutauerant in prophana,  
uel qui ex Templis rapuerant supplices. Ex-  
empla in historijs passim obuia sunt. Sæpe  
magna bella propter hos casus orta sunt. La-  
cedæmonij supplices Messenios rapuerunt  
ex Templo, ideo postea secutus dicitur ter-  
remotus & bellum inter Spartanos & man-  
cipia. Item propter lucum uiolatum Pericles

C 3 mouit



mouit bellum exitiosum toti Græciæ. Item  
propter Delphicum Templum spoliatum  
Phocenses dissipati sunt, & Duces qui fue-  
rant hortatores sacrilegij uarijs modis perie-  
runt. Philomelus de rupe precipitem se de-  
iecit in fuga. Onomarchus successor eius à  
suis militibus confossus est. Phaillus cum  
somniaffet se similem esse statuæ Hippocra-  
tis in Delphis breui post Phthisi interijt. Nā  
in Delphis statua fuit Hippocratis similis cor-  
pori tabefacto, in quo consumpta carne li-  
neamenta ossium tenui cute uestita  
comparent. Hæc sunt apud  
Pausaniam in Phocæ-  
cis.

SECUNDA  
TABVLA DE  
CALOGI.

QUARTVM PRÆCEPTVM.  
Honora



Honora Patrem & Ma-  
trem &c.

TERTIA ACCV,  
SATIO.



ECVNDÆ TABV  
le præcipuum scelus est  
crimen lese maiestatis,  
cum uidelicet, aut per-  
sona Magistratus aut  
ipsa functio contumelia  
adficitur. Cum seditio  
mouetur ad euertendam imperij formam,  
aut cum proditiones fiunt, aut transitiones  
ad hostes, aut alia scelera horum similia qui-  
bus labefactatur forma imperij, ut Romæ  
Manlius propter crimen lese maiestatis  
damnatus est, Et Veturius senator damnatus  
est propter crimen lese maiestatis, quia tri-  
buno plebis transeunti de foro non cessisset  
de uia, ut narrat Plutarchus in uita Grac-  
chorum.

Etsi autem Attici quibusdam speciebus

B 4 pecus=



peculiares adpellationes attribuerunt, tamen commune nomen habent, uidelicet εἰσαγγελία, quo complectuntur omnia delicta, quae inter crimina laesae maiestatis recensentur. Et peculiare est in εἰσαγγελία. In cæteris accusator non conuincens reum, fit infamis tanquam calumniator. At in hac non fit infamis, quia existimatur hæc accusatio munimentum esse publicæ tranquillitatis.

## Q. V A R T A.

**A** P V D Latinos proditio ad crimen laesae maiestatis pertinet, Græci peculiarem accusationem fecerunt ac nominant, δίκη προδοσίας.

## Q V I N T A.

**A** P V D Latinos ad crimen laesae maiestatis pertinet, pecunia ab hostibus conductum esse. Græci peculiarem accusationem fecerunt & nominant δίκη δωροδοκίας.  
Hoc



Hoc iudicio accusatus est Athenis Timago-  
ras, qui cum Pelopida ad Regem Persarum  
legatus missus dona accepit, nec cum collega  
in eodem hospitio fuit. Propter has causas  
domi à ciuibus re iudicata interfectus est, ut  
scribunt Xenophon & Plutarchus in uita  
Pelopidæ, & recenset plura exempla Demo-  
sthenes in oratione de perfidia Aeschinis in  
legatione.

## SEXTA.

**A**PUD Latinos deserens exercitum  
item fugiens ex acie accusatur iudicio  
læsæ maiestatis. Apud Græcos peculiare ad-  
pellationes sunt, γραφή λειποταξίς & λει-  
ποσταξίς. & sunt similia nomina à nauibus  
facta.

## QVINTVM PRÆ- CEPTVM.

Non occides.

B 5

SEPTI-



# SEPTIMA ACCV. SATIO.

IUDICIA de cæde quæ nunc comprehenduntur  
Itur Lege Cornelia diuersa erant Athenis,  
& curiæ iudicum diuersæ.

1  
2  
3  
De cæde ex insidijs facta, & de incendijs iudicabant Arcopagitæ hoc ordine. Primum oportuit dari iuramentum calumniæ. Postea rem narrari sine proœmijs & sine affectibus. Deinde produci testes, nec licebat iudicibus colloqui, sed calculis latæ sunt sententiæ iuxta Leges. Condemnatus autem reus adficiēbatur capitali supplicio. Narrantur autem duo insignia iudicia Deorum in Arcopago facta, in quorum altero Orestes absolutus est, quanquam matrem consulto interfecerat. In altero Mars absolutus est qui stupratorem filie interfecerat, Filium Neptuni Halirrothoum, Quæ exempla recitat antiquitas, ut ostendat ἐπιεικεία ex probabili causa sumendas esse.

De cæde non facta ex insidijs, sed defensionis causa iudicabatur in alio loco scilicet Delphinio, & ab alijs iudicibus, ac ostensa necessitate defensionis reus absoluebatur ita,  
ut



ut maneret ciuis & omnia ornamenta ciuis  
retineret. Ibi Theseus causam dixit & absa-  
lutus est, cum interfecisset Pallantidas, qui  
fuerant eum inuasuri & ei regnum ereptu-  
ri.

De cede non facta defensionis causa,  
sed fortuita iudicabatur etiam in alio loco, in  
Palladio, & poena erat fortuitae cedis, exili-  
um, sicut ex multis ueteribus exemplis con-  
stat. Talamon, quia in ludo Phocum fratrem  
occiderat. Patroclus quia in ludo occiderat  
Clisonymum exulant, & Adrastus apud He-  
rodotum, Ac consideratione dignum est, quod  
necessitati maior uenia data est, quam fortui-  
to casui in quo aliqua negligentia accedit.

## OCTAVA.

**A**PUD Latinos iniuriarum actio una &  
atroces & leues iniurias continet &  
complectitur conuitia, uerberationes, & si-  
gna contumeliosa, & discernitur ab accusa-  
tione de ui priuata. At apud Atticos diuersae  
sunt actiones. ὑπαφὴ ὑβρεως dicitur accusa-  
tio de ui priuata, uel de iniuria atroci et poe-  
na erat



na erat uniuersaliter infamia, interdum erat  
etiam capitalis pœna, ut expresse ait Lysias,  
Hi qui accusantur iudicio uerberationis pe-  
cunia mulctantur. Eos uero, qui condemnati  
sunt ὑβρεως etiam capitali pœna affici licet,  
ut in ui priuata. Vicina est συκοφαντία.  
Cum accusabatur is, qui antea falso accusa-  
uerat, aut falsum crimen de aliquo sparserat,  
aut falsum commiserat, quod Latini lege  
Cornelia de falsis comprehendebant. Et pœ-  
na erat infamia, Conuenit latina actio contra  
calumniatorem ex Senatusconsulto Turpi-  
liano et accusatio quæ ex lege Cornelia in-  
stituitur.

Deinde alie tres sunt mitiores actiones,  
quæ uocantur ciuiles, et ut Græci loquuntur  
priuata, δίκη αικίας, cum fit uerberatio non  
atrox, et non coacta turba, et pœna erat pe-  
cuniaria. δίκη κακῆγορίας erat leuium con-  
uiciorum, quæ etiam si uera essent, non affer-  
rent infamiam, et erat pœna arbitraria si-  
ne infamia. Latina Lex est durior, quæ ait  
condemnatum in actione iniuriarum infamem esse.  
Tertia species non pertinet huc,  
sed ad præceptum, Non furaberis δίκη ἐλά-  
βης



Ubi ubi tantum petitur, ut damnum sarcia-  
tur. Hæc actio conuenit tota ad legem Aquili-  
liam.

Hic autem queri potest, An qui uera cri-  
mina de alio dicit, puniendus sit? Respondet  
Lex non esse puniendum. Verba Legis hæc  
sunt. Eum qui nocentem infamauit, non esse  
bonum & æquum ob eam rem condemnari.  
Peccata enim nocentium nota esse & oportet  
& expedit. Hoc in Ecclesia Concionato-  
res sciant, quibus non solum cum crimina  
manifesta sunt obiurgare reos licet, sed eti-  
am cum fama probabilis, rei nondum prorsus  
manifestæ aliquem accusat, taxare eum con-  
cessum est, ita ut ad purgationem, id est, ad  
famam refutandam eum adigant, aut certe  
ad emendationem, & tales reprehensiones,  
quæ fiunt ex officio non sunt iniustæ, ac præ-  
sertim Ecclesiæ interest, non solum culpam  
cauere, sed etiam malam famam, quæ prebet  
occasionem condemnandæ Ecclesiæ et doctri-  
næ Ecclesiasticæ, Et recte dictum est: Bona  
conscientia mihi mea causa opus est, sed bona  
fama opus est propter proximum.

SEXTVM



SEXTVM PRÆ-  
CEPTVM.

Non mœchaberis.

NONA ACCV-  
SATIO.

**A**CCVSATIO adulterij apud Romanos  
Lege Iulia describitur, Græce uoca-  
batur δίκην μοιχείας, & pœna ueteribus le-  
gibus Atheniensium cuiuscunq; adulteri fuit  
capitale supplicium, ut scribit Pausanias. Postea  
Lege Solonis, qui per uim corrumpēbat  
alterius uxorem non afficiebatur capitali  
supplicio, sed notabatur infamia & punieba-  
tur laceratis natibus. Ille uero qui persua-  
dendo sine ui corruperat alterius uxorem ca-  
pitali supplicio adficiebatur, ut clare recitat  
Lysias, & rationem addit, quia persuasor &  
mentem & corpus corrumpit.

DECIMA.

LENO.



**L**ENOCINII accusatio apud Græcos  
uocabatur, δίκη προαγωγία, Cum pa-  
ter filium aut filiam, aut alius quispiam ado-  
lescentem aut puellam prostituit, & pœna  
erat capitale supplicium, ut ipsam Legem re-  
citât Aeschines contra Timarchum, Romana  
Lex de Lenocinio minus habet seueritatis.

## VNDECIMA.

Δίκη δοκιμασία, Latini unum nomen  
non habent, sed erat & honesta & insignis  
censura morum apud Atticos. Nam hæc ac-  
cusatio instituebatur aduersus eos, qui pollu-  
ebant se nefarijs libidinibus, cum natura pu-  
gnantibus. Item contra desertorem. Item con-  
tra eos, qui parentes male tractabant. Ac pœ-  
na stupratoris erat capitale supplicium, sed  
alterius personæ pœna erat infamia, ne Ma-  
gistratus gereret, ne Sacerdotio fungeretur,  
neue admitteretur ad dicendum publice, aut  
ad ullos honestos congressus.

Exempla huius accusationis extant, Or-  
atio Aeschinis contra Timarchum, & Ora-  
tio Demosthenis contra Androcionem, Ac  
scribunt



scribunt aliqui Timarchum ante iudicij diem  
sibi mortem consciuisse.

## DVODECIMA.

**A**CTIO diuortij Græce δίκη ἀποπομα  
πης, Apud illam seueriorem antiquita-  
tem haud dubie fuit actio, qua cause diuortij  
apud iudicem exponebantur, & petebatur,  
ut persona læsa pronunciaretur libera. Hunc  
fuisse morem ex Alcibiadis historia apparet,  
quam recitant Lysias & Plutarchus.

Cum enim uxor Alcibiadis offensa uagis  
libidinibus mariti discessisset ad fratrem fa-  
ctura diuortium, petiuit Alcibiades, ut libella-  
lum repudij apud Magistratum exhiberet,  
non per amicos, sed per seipsam. Cumq; mu-  
lier in iudicium uenisset, Alcibiades cum ali-  
quot amicis ueniens, ui eam reduxit in suam  
domum.

Postea igitur apud eum, donec ipsa ui-  
xit, mansit. Ita initio arbitror non esse facta  
diuortia sine cognitione, ut postea Romani  
fecerunt, & nunc faciunt Turci. Nec opinor  
ex qua



ex qualibet causa concessa esse diuortia, In-  
deos quoq; existimo abusos esse Lege Moisi,  
cum ex qualibet causa fecerunt diuortia.

Cæterum hoc in Græcis & Romanis le-  
gibus congruit, cum fiebat diuortium prop-  
ter delictum mulieris, dos manebat apud ui-  
rum. Cum uero fiebat diuortium non prop-  
ter delictum mulieris, ut sæpe accidit, dos  
sequebatur mulierem, ut uerba Legis expres-  
se recitat Demosthenes contra Nearam. Con-  
gruebat seuerior illa antiquitas & hac in re  
cum Lege Moisi. Sicut Moises uetuit dimis-  
sam rursus duci à dimittente. Ita Græcæ &  
Romanæ Leges uetuerunt dimissam rursus  
duci, ut Catoni probri uice obiectum est,  
quod Marciam Hortensio mortuo rursus du-  
xit. Sed postea Leges Romanæ, cum disci-  
plina fuit perturbatio concesserunt rursus  
duci dimissas. Multum enim uicij fuit in legi-  
bus Ethnicis, ut nunc quoq; in Turcicis, quæ  
de coniugio receptæ fuerunt, & calamitates  
publicas omnibus temporibus uagæ libidines  
multipliciter cumularunt.

## DECIMA TERTIA.

C ACTIO



**A**CTIO contra celibem, quæ uocabatur  
δικη ἀγαμίου, nunc in Romano iure  
celibatus pœnam nullam habet, nec actio da-  
tur aduersus celibem, sed olim Romanis Le-  
gibus quarum titulus erat de maritandis or-  
dinibus, erat pœna, ne celibes ad Magistra-  
tus admitterentur.

## DECIMA QVARTA.

**I**N HOC præcepto recitabo & accusatio-  
nem ἀργίας, id est, ocij, quæ instituebatur  
contra ciues, qui non exercebant agricultu-  
ram aut artem certam, & ueteribus Legibus  
à Dracone latis pœna erat infamia, si quis  
semel ac primum damnatus erat de ocio. Po-  
stea Solon ita mitigauit, ut infamis esset ter-  
tio damnatus, Volebat enim prioribus iudi-  
cijs commonefactum instituire postea certas  
operas, quod si non faciebat, apparebant dein-  
de contumacia, petulantia, & maliciose con-  
firmata ignauia, & contemptus Legum, quæ  
sunt digna grauiore pœna.

Huic accusationi latina nulla respondet,  
Cum quidem ad disciplinam utilissimum sit,  
prohi-



prohibere ignatum ocium, quia uerum est di-  
ctum illud Catonis, Nihil agendo discunt ho-  
mines mala agere, Et inopia multoshorta-  
tur, ut confugiant ad malas artes.

## SEPTIMUM PRÆ- CEPTUM.

Non furtum facies.

## DECIMA QUINTA ACCUSATIO.

**A**LIA furta publica sunt, aduersus quæ  
accusatio ex Lege Iulia instituitur, quæ  
uocatur accusatio peculatus, Græce φάσις  
dicebatur, id est, indicatio, seu delatio, quæ  
multa complectitur, accusationem eorum qui  
ærarium defraudant, aut iniuste occupant  
fundos, aut redditus publicos, aut monetam  
adulterant, quod apud Romanos ad crimen  
falsi pertinet

## DECIMA SEXTA. C 2 LATINI



**L**ATINI duas habent uicinas actiones, actionem mandati, & actionem negotiorum gestorum, quarum altera aduersus eum datur, qui mandata negocia non recte administravit. Altera aduersus illum, qui sponte suscepta.

Has complectuntur Attici una appellatione, & uocant, ἐν δύναις. Verum hac actione Graeci usi sunt, non tantum in ciuilibus causis in petenda ratione de tractata pecunia, aut fundi administratione, sed etiam in publicis criminibus, ut cum Magistratus perfuncti officio uocabantur in iudicium, cum aliquando contra leges fecissent, aut cum legationum perfidia accusabatur, ut Demosthenes accusat Aeschinem, quod multa perfidiose in legatione fecerit.

Est autem erudita actio muniens duas uirtutes maxime necessarias in omni administratione, scilicet, fidem in negocijs susceptis, & diligentiam de quibus ambabus dicit Paulus. De cætero hoc requiritur, ut fidelis quis sit.

## DECIMA SEPTIMA. ACTIO



**A**CTIO tutela Græce dicitur δίκη ἐπι-  
βοπῆς, quæ contra tutores datur, qui  
pupillorum negocia male administrarunt, ut  
Demosthenes suos tutores accusavit.

## DECIMA OCTAVA.

**A**CTIO depositi δίκη παρακἀταδικῆς  
dabatur contra eos qui in seruando aut  
reddendo deposito non præstiterāt fidem aut  
diligentiam. Condemnatus autem dupliciter  
puniebatur uidelicet, ut solueret depositum  
& quanti intererat, & ut esset infamis.

## DECIMA NONA.

**A**CTIO furti δίκη κλοπῆς, cum de re=  
stituenda re, aut compensanda agebatur  
ciuilitèr. Erant enim & apud Græcos tres  
gradus. Fures, qui sine uolentia res abstule=  
rant, hi condemnati duplo puniebantur. De=  
inde erant grassatores, qui armati penetra=  
bant in alienas domos, quos uocamus grassa=  
tores, Græce, τοιχωρυχοι, id est, perfossores  
parietum, uel λωποδῦται, id est, detrahentes

C 3 tes



tes uestes alijs. Item, qui latrocinium exercent, λησται.

Hi duo postremi gradus pœnis capitalibus puniebantur. Recens Lex horum temporum seuerior est, quæ omnes fures capitali supplicio adficit. Quod habet rationem in his barbaris nationibus, ubi pleriq; fures omnes habent animum Latronum similem,

## ACTIONES EX

CONTRACTV.

### VICESIMA.

**A**CTIONES ex contractu apud Latinos iuxta species diuersa nomina habent, et Greci quasdam species nominant, sed genus est δικη συμβολαις. Species recensentur actio ex debito mutui, quam uocant δίκην χρέος ἢ δίκην δανείας. Cum uidelicet petitur pecunia debita mutuatione, Sic inscriptæ sunt duæ orationes in Demosthene, quæ actiones ex mutuo natas continent. Sed actio χρέος dicitur etiam de debito ex emptione. Vsu  
re alio



re autem proprie dicuntur, cum propter mutationem plus sorte petitur.

Veteres etiam cogebant solvere usuras, cum non esset persolutum debitum constituto die, etiamsi debebatur ex emptione, Ac licebat Legibus Atticis & Romanis centesimas usuras petere, & has debitor solvere cogebatur. Sed supra centesimas non licuit petere aut stipulari, & iudex absoluebat debitorem à quo plus petebatur quam centesima.

Cæterum nos scimus Lege diuina prohiberi omnes usuras, sed cum homines prophani non obtemperent Legi Dei, Magistratus in imperijs modum usurarum sanxerunt, ne prorsus exhauriantur tenuiores, sed ne hunc quidem modum seruat feneratorum rapacitas.

Sæpe igitur propter magnitudinem usurarum seditiones in imperijs ortæ sunt, aut secutæ magnæ mutationes, ut Athenis & Romæ accidit. Id uero quod interest petebatur  $\delta\iota\kappa\eta\ \epsilon\grave{\xi}\ \lambda\eta\sigma\epsilon$ . Nam interesse tunc proprie dicitur, cum aliquis contrahens efficaciter causam dedit damni.

## ACTIO EX EMPTO.

C 4 VICE.



## VICESIMA PRIMA.

**C**ONGRUIT cum actione Romana, quæ uocatur actio ex empto, Attica, quæ uocatur δίκη βεβαιώσεως, id est, emptionis non labefactandæ, quæ dabatur emptori aduersus uenditorem, ut rem traderet, item ut præstaret euictionem, hoc est, si esset opus, ostenderet se esse Dominum rei uenditæ, aut redderet precium, si uendidisset rem alienam ignorantibus. Complectitur et uicinas actiones quæ dantur emptori.

## ACTIO EX INTER DICTO VNDE VI.

## VICESIMA SE CVNDA.

**A**CTIO uocatur δίκη ἐξουχίας à uerbo ἐξείλω, id est, expello. Datur uel ad recuperandam, uel ad retinendam possessionem, uel ad fruendam, si quis frui prohibet uel impedit.

HAS



Has species Romani discernunt diuersis  
appellationibus, uidelicet, interdicto unde ui,  
Item uti possidetis. Sed Attici generali ap=  
pellatione, quam dixi, uicinas complexi sunt.  
Vt autem Deus uult suas cuiq; res munitas  
esse, uelut muro, sua lege, Non furtum facies,  
Ita Magistratui præcipit huius legis execu=  
tionem, uult defendi ciues, ut suo quisq; frui,  
retinere suum, & recuperare iniuste erepta  
possit. Exempla cum in historijs tum in quo=  
tidiana uita obuia sunt.

Memorabilis historia recitatur à Sene=  
ca. Philippus Macedo militem aliquo miserat  
cum certis mandatis, qui cum tempestatibus  
ad littus repulsus & se uicia tempestatis  
languefactus esset, exceptus est à uicino ru=  
stico. Apud hunc cum per aliquot dies re=  
creatus uires iterum collegisset, redit ad Re=  
gem ac periculum narrat, rustici beneficia  
non recitat, Sibi uero donari uillam eo loco  
sitam testem periculi sui petit. Rex liberali=  
ter donat. Cum autem miles uenisset occu=  
paturus uillam, Rusticus ad Regem accedit,  
narrat à se seruatum esse militem, et pro be=  
neficio se expelli ex suo. Hic Rex donationem

C 5      retra=



retractat, & rusticum iubet retinere suum  
prædiū, ac militi ingrato iubet inuri stigma=  
ta in fronte HOSPES INGRATVS.

## VICESIMA TERTIA.

**E**X locato, μισθώσεως, de qua etiam At=  
tici obseruabant quod est in iure Roma=  
no, ut res in domum locatam translata, quæ  
sunt conductoris, sint oppigneratae locatori  
ipso iure, etiamsi nullum accessit decretum  
Magistratus, sicut dicitur in titulo. Ex qui=  
bus causis pignus uel hypotheca tacite cōtra=  
hitur, ubi dicitur, Inuecta & illata pignori  
erunt obligata.

## VICESIMA QUARTA.

**H**ÆREDITATVM actiones multæ  
fuerunt, ἀμφισβήτησις, qua quæreba=  
tur, quis esset hæres? cum decessisset aliquis  
sine liberis, & sine testamento. ἐπιδικασία,  
cum proximi agniti petebant hæreditatem,  
etiamsi factum erat Testamentum, cum quæ=  
rebantur se iniuste præteritos esse.

OCTA=



# OCTAVVM PRÆ

CEPTVM.

Non dicas falsum Testi-  
monium.

## VICESIMA QVIN-

TA ACCVSATIO.

**I**N Arcopago accusabatur, qui dixerat fal-  
sum Testimonium, et uocabatur accusatio  
ψευδομαρτυρίας. Erant & aliæ actiones eor-  
um, qui dixerant se audiuisse ab inspectan-  
tibus, ἐκμαρτυρίας. Dabatur etiam actio ἀε-  
πομαρτυρίας, contra eos qui cum possent no-  
lebant dicere Testimonium, sicut nunc de co-  
gendis testibus iura constituta sunt, quia u-  
triq; sunt iniusti, & qui falsum dicunt, et qui  
ueritatem occultant cum eam sciant, sicut &  
Christus non solum oppugnatorem, sed etiam  
dissimulatorem ueritatis damnat. Qui non  
colligit mecum dispergit.

## VICESIMA SEXTA.

ACCVSATIO.



**A**CCVSATIO παρανόμων ignota est  
Latinis, cum accusatur is qui Legem  
aut Decretum proposuit contrarium priori-  
bus receptis legibus. Ideo autem hæc forma  
nomen apud Latinos non habet, quia priuata  
legum mutatio Romæ accusabatur crimine  
læsæ maiestatis, sicut nunc in Ecclesia crimi-  
ne hereseos. Attici uero gradus Legum di-  
stinxerunt, ac uiolantem neruos religionis  
aut imperij, accusabant uel εἰσαγγελία, uel  
accusatione ἀσεβείας, Sed uiolationem legum  
inferiorum transferebant ad hanc uulgatis-  
simam accusationem παρανόμων, qua con-  
demnatus erat tantum infamis, non adficie-  
batur capitali supplicio. Ut Ctesipho accusa-  
tur ab Aeschine, quod decretum fecisset, ut  
Demostheni ante relatas rationes decerne-  
rentur honores.

Econtra accusatus iniuste, poterat accu-  
satores uicissim accusare συκοφαντίας, ut  
supra diximus, Ut in iure Romano ex Sena-  
tusconsulto Turpiliano licet accusare Calum-  
niatorem, qui condemnatus infamis est, Sed  
uetus scueritas, calumniatorem, in causa ca-  
pitali eodem supplicio puniendū censuit, quo  
adfectus esset aduersarius, si conuictus esset.

EXEM-



# E X E M P L V M

QVOD MONET NON TE=  
*mere mutandas esse Leges, quæ graui iudicio*  
*maiorum receptæ, et postea longo usu*  
*comprobatae sunt. Ex Demo*  
*sthenis oratione contra*  
*Timocratem.*

**N**ARRABO uobis Iudices legem Lō=  
*crensam, non enim deteriores eritis au-*  
*dito hoc exemplo, præcipue quo ciuitas uti-*  
*tur, quæ legibus recte constituta est. Illi enim*  
*adeo custodiendas esse ueteres leges senti-*  
*unt, & patria instituta tuenda, nec nouas Le-*  
*ges pro cupiditatibus paucorum, aut ad elu-*  
*denda iudicia ferendas esse, ut si quis nouam*  
*Legem rogaturum se esse ostenderit, cogatur*  
*eam proponere, collo in laqueum inserto.*  
*Quod si Legem propositam populus appro-*  
*bat, suasor discedit illesus. Sed si Lex repu-*  
*diatur, suasor strangulatus laqueo interfici-*  
*tur.*

Huius periculi magnitudine deterrentur  
ciues, ne nouas Leges ferant, quare & ueteri  
bus maiore reuerentia et studio obtemperāt.

AG



Ac multis seculis unica tantum noua Lex  
apud eos lata esse dicitur. Cum enim Legem  
ciuitas haberet de Talione, ut si quis alteri  
oculum effoderit, uicissim sibi oculum erui  
patiatur, nec mulctetur pecunia, quisspiam  
unicum oculum habenti minitatus est se ocu-  
lum ei effossurum esse, Motus hac commina-  
tione is, qui unicum habebat oculum ac repu-  
tans quam misera in cœcitate uita futura es-  
set, uenire in concionem ausus est ad suaden-  
dam nouam Legem, ut si quis oculum effode-  
rit alicui habenti unicum, Vicissim sibi utrum-  
que oculum erui patiatur, ut æqualitatem ca-  
lamitatis poena efficiat. Hanc aiunt Locri  
unicam Legem inde usq; à ducentis  
annis latam esse. Hæc Demo-  
sthenes.


FINIS.

VVITTEBERGÆ.  
EXCVDEBAT IOHANNES  
CRATO.











ULB Halle  
004 956 389

3



sb

VD 17







Inches 1 2 3 4 5 6 7 8  
Centimetres 1 2 3 4 5 6 7 8 9 10 11 12 13 14 15 16 17 18 19

B.I.G.

Blue Cyan Green Yellow Red Magenta White 3/Color Black

Farbkarte #13

COLLATIO  
ACTIONVM FO  
RENSIVM ATTICARVM  
ET ROMANARVM  
PRÆCIPVA  
RVM.

AVTORE  
PHILIP. MELANTH.

DE COMEDENTI

DE FORTI.



EXIVIT CIBVS.

ET DULCEDO

VVITEBERGÆ

ANNO M. D. LIII.